



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De monacho Claraeuallis, qui S. Ioannem Baptistam dilexit, cap. 49.

urn:nbn:de:hbz:466:1-13177

100 DE DIVERSIS VISIONIBVS
fantes, id est, à longè. Quare autem rarius Apostolis
sive martyribus nobis appareant, causa esse videtur,
quod respectu iam dictorum ordinū modica, & penè
nulla est eorum memoria apud ecclesiam Latinorū;
Græci verò in natalitijs illorum solennisant, & ideo
forrè sèpius illis apparent. De sancto Ioanne Bapti-
sta, cuius memoria celebris est per vniuersam Eccle-
siam, aliquas visiones subiungam: ipse est enim nouis-
simus Prophetarum, & plus quam Prophetā: Nam lex
Mat. II. & Prophetę, teste Domino, usque ad Ioannem.

C A P V T X L I X .

Appari-
tiones S.
Ioannis
Baptistæ.
Luc. I.

IN Claramalle monachus quidam iuuenis est atra-
te, Ioannes nomine, mirus dilector sancti Ioannis
Baptistæ: in die siquidem nativitatis illius est na-
tus, & ob hoc a parentibus Ioannes vocatus. Supra re-
liquos sanctos illum diligit, & quotiens aliquid ad
ipsum pertinens psallitur, ut est canticum patris eius
Zachariæ, ibi voce penitus non parcit. Nocte quadam
cùm idem canticum in choro catabaret, & ventum fuisset
ad illum versiculum; Et tu puer Propheta altissimi
vocaberis, &c. sacerdos quidam stans in choro oppo-
sito, flammam de capite eius surgere vidit: vocatur
autem Wilhelmus, estq; sacerdos religiosus, cui mul-
ta diuinitus reuelantur. Qui dictis matutinis, domi-
num Sygerum Priorem adiit, & quid de fratre Ioanne
viderit exposuit: quem statim vocauit Prior dicens:
Dic mihi bone frater Ioannes, quid cogitasti in lau-
dibus, quando inchoatum est canticum, Benedictus
Dominus Deus Israhel? cui ille respondit: Credite mihi
Domine, ego cogitavi, si essem in cœlis, vox tua nun-
quam rauesceret, & semper Deum laudares cum An-
geliis. Et Prior: Quid habuisti in corde infra istum ver-
siculum, Et tu puer propheta altissimi vocaberis: ad
quod iterum respondit: Ita accensum est cor meum in
illa hora ad memoriam sancti Ioannis Baptistæ, quem
valde diligo, ut vix me capere possem præ gaudio. Et
cognovit Prior, quod flamma eadem signum fuisset
vehementissimi amoris, de corde adolescentis in cœ-
lum ascendentis. Anno præterito visio hæc a prædicto
Priore



LIBER OCTAVVS.

Priore Claræuallis, Priori de Claustro recitata est, à
quo ego illam didici.

CAPV T L.

REtulit mihi domina Irmgardis, Magistra de insula sancti Nicolai anno præterito, cuiusdam sanctimonialis bene sibi nota miram dilectionem erga prædictum Domini Præcursorum: plus omnibus sanctis illum dilexit; nec suffecit ei de illo cogitare, illum obsequijs & orationibus honorare, confororibus illius prærogatiwas prædicare, quin etiam ad perpetuandam eius memoriam, versificaretur de eius annunciatione, natiuitate, & gaudio parentum; litterata siquidem erat, & ideo versibus prosequi studuit, quicquid de illius sanctitate legeret. Omnes etiam personas seculares, cum quibus loquebatur, monuit & rogauit, ut liberos suos Ioannem vel Zachariam nominarent, feminas vero Elisabeth. Cumque moritura esset, Ioannes monachus de Claustro eam visitauit, sciensque eius affectum circa sanctum Ioanem, ait: Mater tera cum fueritis defuncta, qualem missam vultis ut primum cantem pro anima vestra, pro defunctis, an de sancto Ioanne Baptista? Ad quod illa sine omni deliberatione respódit: de sancto Ioanne. Cumque ad extrema peruenisset, compassa sorori sibi seruienti, ait: Vade soror super solarium, & quiesce modicum: quod cum fecisset, & leui sopore quiesceret, huiusmodi vocem per somnum audiuit: Quid hic jaces? sanctus Ioannes Baptista inferius est cum sorore Hildegunde. Hoc illi nomen erat. Ad quam vocem sanctimonialis exercefacta, neglectis vestibus in camisia descendit, & iam illam expirasse inuenit. Circa quam tam suauissimus odor erat, ut non dubitaret illic adesse presentiam sancti Ioannis, qui animam suæ dilectricis choris sociaret Angelicis. Narravit mihi & aliam visionem, ista adhuc incundiorum, quam sibi à magistra domus, in qua visa est, dicebat esse recitatam.